

Kinwaati ki kinga kife ki Pita-a Fiee fi nuun le Kinwaati ki Pita-a ki kinga kife kini-i

Kinwaati ki Pita-a ki kinga kife kini nuun ε tē tsee li beniin be kimbeenche-ε be nkosi, be tsiin li nshe chichi-i. Fiee fi nɔɔa le kinwaati kini-i tē nuun le gwe banε nimε chi beniin be ntiife-ε be binsee le tē denɔi be nindi, be le gwe ntse wu nyen yi bukwεε wu ntiife wu beniin bani tē beε be wu ma. Pita tē tsee kinwaati kini nge bichi nuun fiee fi beniin be ntiife be binsee le bani tε kwengi le Jiso mεen yε tuu kaari be kε. Tiiti le fiee fi feti Jiso se chiitiyi li mbε-ε nuun kife Nyɔ wεki yε le wi wumu la kε (3:9).

Bikoo bi biee bi le Kinwaati kini-i

1:1-2 Mbεεche

1:3-21 Ntse wu beniin be Krai le

2:1-22 Kii kinge ki beniin be ntiife be binsee le mɔɔ nge wu gii naa be li bee

3:1-18 Jobε chi Krai gii naa kaari be

¹ Ε mi Simu Pita, ηwanε nimε wu Jiso Krai mɔɔ ηwani wu nton. Ntsekɔɔ kinwaati kini li ben nε fi kimbeenche kishaan ki nuun si kisen, fini nuun kii ntse wu tsaan wu Jiso Krai wu nuun Nyɔ tuu nuun Kinsofu kisen.

² Nyɔ doonche ben shen yi dzeen nge, yi tuu yi nyε ben mbeengii nge, keti li ηkee wu nε kii Nyɔ mɔɔ Jiso Krai Taa wusen.

Ntsɛ wu bɛniɪŋ bɛ Nyɔ teen yi tsaa

³ Bunga bwee bu nuuŋ bu Nyɔ-ɔ nyɛ bwɛɛ bee biee bichu bi tɛ wɛki li ntɛ wuni-i, mɔɔ le tɛ ni tɛ tsiɪŋ ntɛ wu Nyɔ wɛki. Bu nyɛ bwɛɛ lɛ kɛti li ŋkɛɛ wu tɛ kii Nyɔ yi teen bee le tɛ lɛ bunɔŋa bɛ bujɔŋ bu nuuŋ bwee.

⁴ Ɛ lɛ dze yini-i yi yi ka le yi se nyɛ bee biee bi shaan bi yaa biee bichu bi yi tɛ kaache. Biee bini biɛɛ le bi fɛ nɛ se ni nɛ kiifi biee bibifi bi li nshe yini-i bi nyan yi bwiŋ kɔŋgisi bi bifisi bɛniɪŋ. Nɛɛ lɛ, nɛ se ni nɛ nuuŋ lɛ dze yi Nyɔ nuuŋ le-e.

⁵ Si fi nuuŋ ni, gwenɛ yɛɛŋ bujɔŋ le nɛ tondɛ ntɛ wu dzeen li shɛŋ yi nɛ gɛɛ li Krai. Li ntɛ wu dzeen li, nɛ tondɛ ŋkɛɛ biee.

⁶ Li ŋkɛɛ biee li, nɛ tondɛ ŋkiiche yi yinɛ. Li ŋkiiche yi yinɛ, nɛ tondɛ shɛŋ yi kanɛ. Li shɛŋ yi kanɛ-ɛ, nɛ tondɛ ntɛ wu Nyɔ wɛki.

⁷ Li ntɛ wu Nyɔ wɛki-i, wi ni kɛmi ŋgeen li ŋwaani-i. Li ŋkɛmɛ ŋgeen li ŋwaani wi-i, nɛ tondɛ kinɔŋgise.

⁸ Ntiitɔɔ ni kifɛ, ɛ nɛ kɛmɛ wuni ntɛ, kɛ nɛ gii nɛ ni nɛ giɪŋgi bu limfwe-e, wu fɛ nɛ tɛ tuu le nɛ ni nɛ nuuŋ yee kɛ, kɛ le nɛ ni nɛ nuuŋ si bɛniɪŋ bɛ nuuŋ be tɛ fɛ fiee si bɛniɪŋ bɛ kɛmi yɛ bufii kii Taa wusɛŋ wu Jiso Krai kɛ.

⁹ Nɛ ni nɛ kii le ɛ wi kɛmi yɛ ŋwaani wuni ntɛ kɛ, kɛ wu nyɛɛɔ li biee bi Nyɔ-ɔ kituŋ, kɛ ŋiŋgi yɛ biee mfiɪŋ kɛ. Wu daayɔɔ kituŋ le Nyɔ tɛ tsootɛ bibifi biee bi tɛ shiɪŋ feti ŋkosi.

¹⁰ Bɛŋwaanɛŋ, fi se tuu fi nuuŋ le nɛ ni nɛ gwenini ŋge le nɛ ni nɛ feti biee nuuŋ bi doonchi le nteenyɛ wu Nyɔ teen bɛŋ, bɛ ntsawu wu yi tsaa bɛŋ fiee

nuun tɛ sɛɛsɛ bɛŋ kɛ. Ɛ nɛ fɛti lɛ, nɛ tɛ naa lɛ nɛ wɛ li kimbeenchɛ kinɛ-ɛ kɛ.

¹¹ Bɛdɛɛni bɛ gii bɛ gwiye dze li be-ɛŋ yi mgbɛŋɛ ni mgboon, nɛ sɛ lɛ bɛ bɛ bɛ bɛ bu kimakɛ bu Taa wusɛ-ɛŋ wu Jiso Krai wu nuun Kinsofu.

¹² Nkii lɛ nɛ kii baa biee bini kitun, nɛ lemi tɛ li chɛɛŋ wu nɛ tɛ woo wu tɛɛmi. Se nuun lɛ mɔɔ si nɛ kii baa bi lɛ, n'wɛkɔɔ lɛ ntuu ni nkiimi bɛŋ kii bi mfi kwi.

¹³ Njɛŋɔɔ lɛ fi dzɔɔŋ lɛ ni nkanɔŋsi bɛŋ kii biee bini si mɛɛŋ lu ni, lɛ nɛ sɛ ni nɛ kiimi,

¹⁴ kifɛ nkiio lɛ shɛɔ nɛɛ niin fianaa bo li mi-i bwin si Taa wusɛŋ wu Jiso Krai fɛɔ mi nkeɛ kitun.

¹⁵ Nse ntuuɔ n'wɛki lɛ gwenɛ bujɔŋ lɛ ke mfi wu mi nchinɛ li be-ɛŋ, nɛ sɛ ni nɛ kiimi biee bini mfi kwi.

Lii yi tɛ gbɛɛŋ yi nɛŋ bunɔŋa bu Krai

¹⁶ Nɛ ni nɛ kii lɛ biee bini bi tɛ tɛ tee li be-ɛŋ kii bunga mɔɔ mbɛ wu Taa wusɛŋ wu Jiso Krai gii naa kaari bɛ, tɛ nuun ye mulon mu binɛɛ lɛ mu bɛniin bɔsɛyi bɛ nachɛ tɛ sɛ tiiti li be-ɛŋ kɛ. Tɛ tɛ nɛŋ bunɔŋa bwee bɛ lii yisɛŋ.

¹⁷ Tɛ nuun mfi wu Nyɔ Baa wusɛŋ tɛ nyɛ wu nɔŋɔ bɛ bunɔŋa, jɛ tɛ bo li Nyɔ yi Bunɔŋa bu nɛŋ yi tiiti lɛ, “Wuni nuun Nwanɛŋ, wu nuun shɛŋ yeŋ. N'wuki bujɔŋ bɛ wu nɛŋ.”

¹⁸ Bee kibɛɛ tɛ tɛ woo jɛ yini si yi shiiti yi bɛɛ liboo mfi wu tɛ tɛ nuun bɛ Jiso li nkumɛ wu waan li.

¹⁹ Si tɛ tɛ woo lɛ, tɛ mɛɛshi tɛ kɛɛ chɛɛŋ wu fiee fi bɛntomfɔŋ bɛ Nyɔ-ɔ tɛ tee mɛɛŋ lindɛɛri. Fi sɛ dzɔɔŋ fiee lɛ nɛ gɛɛ bufii li fiee filu-u bujɔŋ, kifɛ fi fiee nɛɛ si lambo ti wuuti li kijibɛ-ɛ nsiin Butuu woo, Jiso sɛ ni wuuti li shɛŋ yinɛ-ɛ si lah wu kwii.

20 Fiee fi ko fi yaa biee bichu feni nuun le, ne kemi le ne kee le nton wu Nyɔ wumu nuun ye lu le Kinwaati ki Nyɔ-ɔ* wu ntomfɔn wu wu Nyɔ nuun ni fenjisi be mbeeche we ke.

21 Fi nuun le Ntomfɔn wu Nyɔ wumu nuun ye lu wu tɛ dzeti li fiee fi wiwon tɛ weki le fi nuun. Bentomfɔn tɛ tiiti nuun Fiana yi Waan yi tɛ feti be se tiiti je yi buti li Nyɔ-ɔ.

2

Bɛniin bɛ ntiife bɛ binsɛɛ lɛ

1 Nɛɛ yɛɛn si, bɛniin bamu tɛ dza nkosi be buse li bɛniin li linti be yɛngi le ɛ be bentomfɔn bɛ Nyɔ-ɔ, ɛ nɛɛ lɛ si bɛniin bɛ ntiife-ɛ bɛ binsɛɛ lɛ gii be ni be nuun lɛ be-ɛn lenti. Be gii be ni be wɛɛndi be bɛɛ bɛ bentiiɛ bamu bɛ nuun bɛ biifi bɛniin, be se ni be fɛngi Te Kikoo wu tɛ kwi le soon be. Be gii be fɛ lɛ be bɛ bɛ nge mfwaɛ mumkpan be lɔn li yi yibee.

2 Bɛniin nge gii be biee kinge kibee ki nyɛ-ɛn, fini gii fi fɛ bɛniin ni be yeti jɛ yi bifi kii Dze yi cheɛn.

3 Lii yi yɛchi li biee li gii yi fɛ be ni be seendi biee binɛ bɛ mulon mu binsɛɛ lɛ mu be nachɛ. Bani bɛniin nuun bɛ Nyɔ tɛ nachɛ nge wube kitun mɛɛn lindɛeri, nge wulu nuun nɛɛ fe tɛngi be.

4 Nɛ ni nɛ kii le Nyɔ ti mɛɛn ki fɛfi kɛ benchindaa bɛ tɛ fɛ bubieɛ baa kɛ. Tɛ shiiki be be gɛɛn fɛ kintsii ki nge-ɛ, lii be li bencha-a lɛ bitoo bi jimi ni fiifi, fɛ be gii be ni be nuun gɛɛn bo jobɛ chi nsaa.

5 Tɛ mɛɛn ki bachɛ kɛ tɛ kwɛɛn wu nkosi mfi wu tɛ tuumi dzɔɔ yi be yi fweeni kwɛɛn wu bɛniin bɛ tɛ tsiin ye ntse wu Nyɔ weki kɛ. Tɛ fɛfi nɛɛ nuun Noaa

* 1:20 Kɛ lɛ, wi nuun kɛɛ bɛ bufii bwee.

wu tɛ tiiti le bɛniɪŋ ni be tsiɪŋ ntɛ wu tsaan lɛ Nyɔ lii, mɔɔ bɛniɪŋ bamu mfomenyaan.

⁶ Tɛ tɔŋ kitoŋ ki Sɔdɔŋ bɛ ki Gɔmɔra bɛ wi bi do buukii, fɛ fini nuun si mbose yi fiee fi gii naa fi ka bɛ bɛniɪŋ bɛ tsiɪŋ yɛ si Nyɔ wɛki kɛ.

⁷ Se nuun le, soo Lɔt wu tɛ tsiɪŋ ntɛ wu tsaan yi se gbɛŋgi yi bonyi wu bɛ ntɛ wu nyɛŋ wu bɛniɪŋ bɛ bifi tɛ kɛmi.

⁸ Biee bi wi wu tsaan wuni tɛ ŋiŋgi tuu wuki si tɛ tsiɪŋ lɛ bee lenti tɛ fɛ se shɛŋ yee yi wuuti tuu yi wɛsini wu jo chichi li kɪŋge kibee ki bifi-i.

⁹ Si biee bini tɛ kɛti lɛ, kɛ fi doonchi le Taa kii si suuti bɛniɪŋ bɛ tsiɪŋ ntɛ wu wɛki li tsan yi ŋgɛ-ɛ, tuu kii tɛ si nuun gɛɛ bɛniɪŋ bɛ tsiɪŋ ntɛ wu nuun yɛ wu tsaan kɛ li ŋgɛ-ɛ, gɛɛŋ bo jobɛ chi nsaa.

¹⁰ Ŋgɛ wuni nuun wu bɛniɪŋ bamu gii naa wu yaa wu wi kwikwi. Beeye bɛniɪŋ nuun bɛ kɔŋgisi biee bi yi yibe nyiŋini yi kɔŋgisi se nuun ɛ bi bi bifisi wi. Be tuu be dzeti wi wu seki bɛniɪŋ fɛkwiɪŋ.

Nyɔ gii naa yi lɛɛ bɛniɪŋ bɛ ntiifɛ bɛ binsɛɛ lɛ

Bɛniɪŋ bɛ tiifi binsɛɛ bani wi ti yiiki be lɛ lii kɛ, be tsakisi yi ŋgɛ, be ti chɛndi yɛ ŋgaashɛ fiana yi liwe yi kɛmi bunɔa ŋgɛ kɛ.

¹¹ Mɔɔ nuun bɛnchindaa bɛ Nyɔ-ɔ bɛ kɛmi bunɔa be tɛɛmi be yɛki be ti kayi yɛ biee li fiana yini li Taa li limfwe kɛ.

¹² Se nuun le bɛniɪŋ bani feti biee nuun bi ŋgɔŋ mɛ bee wɛki si nyán yi tɔɔ yi ti feti biee mbeeche nsɪŋ, yi nuun nɛɛ le bɛniɪŋ kɔɔyɛ yi be sɛɛyɛ yi. Bani bɛniɪŋ nuun bɛ gaashi biee bi be kii yɛ bi kɛ. Nyɔ gii yi mɛeshi bɛ be nɛɛ si nyán yi tɔɔ yini,

¹³ kinsomfu kibee gii ki nuun ηγε wu be gii be ηηη kii ηγε wu be tē be be wu. Be ti beechi le ηε biee mɔɔ ntuu ηwonu biee weseen fenshaan kintikinti nuun bujɔη li bee. Be nuun nuun kinjire le be-eη lenti be libisi beη. Mfi wu be jii biee be beη, be wuki bujɔη le be ni be yeηgi beη be binje bi bee bi kinchɔrise.

¹⁴ Lii yibe ti nuun nεε yi bukwεε, be ti fuki ye bibifi kε. Be ti yeηgi be beniin be nuun wεε li kimbeenche ki bee, bee be feti bibifi. Kin'yεrise lii kεε li ηgɔη mε bee kituη. Be too baa kinlɔɔ fε be fa!

¹⁵ Be chine baa dze yi tsaan be biee nuun yi waniti. Be dzɔ baa kikaa ki Balaan wu ηwanε Bwɔɔ wu tē beη le fε fiee fi nuun ye tsaan kε kife tε kɔηgisi kwa.

¹⁶ Sombwaa se wamε wu li fiee fi bifi fini-i. Sombwaa wu ti yeti ye kε, se yɔ si wiwon, loose kinge ki jerε-ε ki ntomfɔη wu Nyɔ wuni tē feti.

¹⁷ Bani beniin bentiife be bee nuun si ntuun wu dzɔɔ wu dzɔɔ ti mεεη ye yi buti le kε, be tuu be nuun si kikuη ki we lekuun kin̄kuηku se ka ki too ki. Nyɔ nache ye kintsii ki jimi ni fiii, yi gεε li bee kituη.

¹⁸ Be juti kimfime ηge be tsakisi yi li yee li. Be teeki beniin be mεεη be kiifi bukiife le be bo le beniin be kii ye fiee fi tsaan kε-ε lenti. Be teeki be be ntiife wu nuun le, nuun be kaari be ni be feti biee bi nyε-eη bi yi yi nyinini kɔηgisi.

¹⁹ Be dzeti be kaachi li beniin li le be gii be buu be li bumfa-a, se nuun le be belu kibεε be tiiti mεεη nεε bεmfα be biee bi bifisi yi yi wi. Be nuun bεmfα kife ε wi nyε yi yee li fiee li, kε mwε too mfwa wu fiee filu.

²⁰ Nε ni nε kii le ε beniin kifi biee bi bifisi beniin

li nshe yini kitun kifε be kii baa Taa Jiso Krai wu nuun kinsofu, be kaari be gεεη be ε li biee bilu-u, bi liiη be bi kεmi be, kε biee gii bi fɔ li be-e yaa si bi tε shiιη bi nuun ηkosi.

²¹ Ε beniιη fε ε, bee fi dzɔɔη le be nuun be kεε yεε dze yi ntε wu tsaan kε, yεki fε be kεε be tuu be kaari be chine nchi wu waan wu be nye li beniιη li.

²² N'waani beeyε beniιη feti fiee fi nuun le ngangaa li fi buti cheη le, “Bwi ti yendi biee yi kaari yi to fe yi ji.” Chimu tuu chi nuun le, “Be ti tsootsi dziιη yi kaari nεε yi gεεη yi tuu yi fiindi yi li bintsangu-u.”

3

Jobε chi Taa gii naa kaari bε

¹ Nsāη yεη yi shēη, kinwaati ki dεeni kini kεε ki kinga kifε ki mi ntεεɔ li be-εη. Λε binwaati bini bichu-u mi ntεεɔ si ηkiime le ηkaangi ben le nε ni nε kεmi bεmbeeche bε tsaan.

² N'wεkɔɔ le nε ni nε kiimi biee bi bentomfɔη bε Nyɔ-ɔ bε waan tε tee lindεeri le bi gii bi naa bi ka, nε tuu nε kimi mɔɔ biee bi bɔɔη bε Jiso-o bε nto-on bεnε tε tee li be-εη le Taa wu nuun Kinsofu tε tee le nε ni nε feti.

³ Fiee fi nɔηa nuun le nε kεε le gii naa ni nuun jo yi kimerise, beniιη bε ηkwεrise-ε gii be dza be bε be ni be kwεrisi, be feti biee bibifi bi yi yibe wεki.

⁴ Be gii be ni be kwεrisi be kwεngi le, “Mɔɔ tε kaache le gii kaari bε, wu se fεη dεeni? Mɔɔ si betaa bεseη tε saa be kwiye, biee bichu lemi bieε nεε li bikaa li si bi tε shiιη bi nuun fεmbεεche-ε si Nyɔ tε tɔη nshe.”

⁵ Be tiiti le be kii nɛɛ tɛ bujɔŋ, be se fɛŋgi le Nyɔ tɛ tee nuuŋ nɛɛ jɛ ŋkosi kiboo nuuŋ lu. Se yɔ nshɛ bo li dzɔɔ, tɛ fɛ nshɛ yilu bɛ dzɔɔ.

⁶ Ɛ nɛɛ dzɔɔ yi tɛ bo yi baanyɛ nshɛ, yi se lɛɛshɛ kwɛɛŋ wu tɛ nuuŋ ŋkosi.

⁷ Ɛ nɛɛ jɛ yilu yi wu gɛɛ kiboo bee nshɛ dɛɛni yani, yi se tɛŋgi wi. Yi tɛŋgi yɛ nuuŋ jobɛ chi yi gii naa yi saa bɛniin bɛ tsiin yɛ si yi wɛki kɛ, yi lɛɛshɛ be.

⁸ Se nuuŋ le nsán yɛŋ yi shén, kiin nɛ ni daayɛ fiee fimumkpaŋ kɛ, le li Taa li jobɛ chi mumkpaŋ nuuŋ nɛɛ si biya nchuki, biya nchuki se nuuŋ si jobɛ chi mumkpaŋ tɛ.

⁹ Taa ti chiiti yɛ yi si bɛniin bamu beechi, le fɛ si tɛ kaachɛ kɛ. Kɛndi nuuŋ shén bɛ bɛŋ, kifɛ wɛki yɛ le wi wumu naa la kɛ. Wɛki nuuŋ le bɛniin bɛchu fiiki shén yibe.

¹⁰ Jobɛ chi Taa gii naa kaari bɛ chi gii chi naa chi nuuŋ si chi wi-ih le. Booyaa kiboo gii ki nduuŋ lɛwe ŋge bɛ bunga ki gɛɛŋ ki laayɛ, wi se ni wu durisi biee bi nuuŋ liwe, nshɛ bɛ biee bichu bi nuuŋ lu se do buukii.

¹¹ Si wi gii naa wu duuri biee bichu le yini dze le, nɛ beechi le nɛ gii nɛ ni nɛ nuuŋ ŋwaani bɛniin bɛ la li ntɛ wunɛ-ɛ? Nɛ kɛmi le nɛ ni nɛ nuuŋ bɛniin bɛ tsiin ntɛ wu waan ɛ nɛ nyɛ yi yinɛ li Nyɔ-ɔ,

¹² nɛ tɛŋgi Jobɛ chi Nyɔ-ɔ chini, nɛ gwenini le chi bɛ tsɛkɛ. Gii ni nuuŋ jobɛ chi wi gii wu duuri kiboo kini ki do, biee bi nuuŋ liwe gii bi boon.

¹³ Se nuuŋ le, tɛ tɛŋgi baa nuuŋ kiboo kifɛŋ bɛ nshɛ yi fiɛŋ yi Nyɔ tɛ kaachɛ, ŋwaani wuni kwɛɛŋ nuuŋ wu ntɛ wu tsaan gii ni nuuŋ fe kwaa.

¹⁴ Bɛdɛɛni nsán yɛŋ yi shén, si nɛ tɛŋgi biee bini

le, ne gwenini bujɔŋ le ne ni ne nuuŋ findzɔŋ nsin le Nyɔ lii, be numu mbɛɛŋgii be yi.

¹⁵ Ne ni ne kiimi le Taa wuseŋ kɛndi shɛŋ ni, nyɛɛ tɛ nuuŋ mfi li bɛniin li le be naa be bɔnɛ. Fiee fini nuuŋ nɛɛ fi ɲwaani wuseŋ wu Pɔɔ wu nuuŋ shɛŋ yisɛŋ tɛ tɛɛ li be-eŋ be bufii bu Nyɔ tɛ nyɛ li wuu.

¹⁶ Le biŋwaati bichu bi wu tɛɛ li, tiiti nɛɛ kii fiee fini le lɛnti. Tɛkɔɔ biee bimu bi tɛɛmi li bɛniin li le be kɛɛ, fi se fieɛ le, binchiinchi bi ti kii yɛ fɛ bi lemi kɛ se tuu bi firisi kinyi ki biee bilu-u, si bi firisi li bintsii bimu-u le Kiŋwaati ki Nyɔ-ɔ. Bi feti le, bi teenyi nuuŋ ɲɛ li yi yi bi-i.

¹⁷ Nsán yɛŋ yi shɛŋ, si ne kii biee bini le, ne dzeti mfi le kiin bɛniin be kichi yɛ bɛnchi be Nyɔ-ɔ bani ni chee beŋ be kɪŋge kibee ki bifi kini ne dza fɛ ne lemi kituŋ fiee nɛɛɛɛ beŋ nsin ne kaari ne we buwɛ kɛ.

¹⁸ Se nuuŋ le, ne ni ne kuu bu ko li mfiɛ wu Taa wuseŋ wu Jiso Krai wu Kinsofu fi beŋ lu, ne ni ne kii wu ne giingɪ tɛ limfwe limfwe. Kin'yokisɛ ni ki nuuŋ li wuu dɛɛni mɔɔ mfi kwi ma nsin. Fi nuuŋ le.

Sari

Sari: Sari (New Testament+)

copyright © 2024 Wycliffe Bible Translators, Inc.

Language: Sari

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

0b48302f-d71e-5995-a8f4-98013bf8b3d2